

鑑

止

水

齋

集

鑑止水齋集卷五

德清許宗彥

詩五

丁卯中秋同嚴九能表弟

元照

鑑止水齋夜話

九能舊要予作香修詩予託胡晉卿

縉

代作

四章九能意頗不滿晉卿今已下世詩宜還

之別作八章章中事多隱括九能口說也

挂席東歸江有沱小姑黛色映纖蛾只言箇是山名  
字不道舟中已有他

忽聞乾鵲噪衡門畫槳來停桑苧村添得相思江上  
淚茗花茗水漲新痕

兩美應難快合并須知我見也  
隣生茂陵何事輕拋却不信文園是有情

梅從酸後方知苦月向圓時尚帶尖  
郎意尖圓猶未穩妾心酸苦可能兼

玉筴銀管鎮相於清曉妝成閣內趨  
撒米幾曾施狡獪神鞭翻遣到麻姑

小印朋箋識小名不妨作達任彈抨  
但教名士呼名去勝似茗華玉琢成

九能每以香修小印印尺牘楊傳九頗不遑之

棋局從來最不平攤門無復肯安橫  
移居漫作神仙看只有溪流識此情

繡襦攜來醜面新阿侯弄筆見天真他年若著潛夫  
論元晏須尋表丈人

梁山舟侍講重宴鹿鳴 恩晉學士誦德抒懷  
敬呈長律七十韻

天與神仙骨人尊宰相家科名前輩重甲子一周賒  
月殿彈瑤瑟燈毬豔玉葩占丁星正見會卯律無差  
帝意耆臣念詞垣峻秩加 異恩傳驛騎內相

拜新麻夙秉螭坳簡仍紆璫綬綢公心雲在水輿論  
錦添花遠憶興賢日眞成掌故誇高秋扶雁翼

公與  
冲泉

少司空南北  
同舉鄉試

駿足起龍沙釋屣登華省簪毫直正衙

鑠廳推領袖 溫室對梨樞銘闕雄才勝研都麗藻  
夸韋平公望厚臺尚素心遐儷衮才初試迴颿摻已  
撾愛尋寒翠屐怕碾軟紅車王墓遂刊誓萊衣早製  
茄朝參謝鵷鷺野趣狎簪簪嶺路籃輿舁湖船短檣  
划幽樓開覆嶂戶簃署枯槎管榻深穿肝焦廬曲寫  
蝸閒情蕪蘭艾小物辨麋蕞砌草皆妍潤庭蕪自粹  
杞繙經縣了鳥讀畫展了义四海欽丰采流芬溢齒  
牙松高千尺節壁淨一絲瑕文獻邦依賴東南士息  
譁服鄉敦古樸器儉屏奇裘走卒知司馬清言接永  
嘉懷芳行獨復祛俗道無汙長止淵明酒惟嘗鴻漸

茶攝躬過慶喜杜妄契毗邪見者如披霧聞之亦破  
痕寥天翔逸翮餘技握靈蛇作者誰希古新聲頗近  
哇獨尊元素質屢厭粉香塗肅肅餐晨澹亭亭擢晚  
葇細心矜格律遠想溯萌芽灑翰迴滄海騰空見渥  
洼歐虞歸冶鑄鍾索定驚呀飄兔豪盈豕矜羊硯泐  
窪楹聯懸島國扇面弄閨娃潢寫爭濡麝珍藏競籠  
紗豐碑長照耀廢簾共捺爬字裏波噴涌行間勢攫  
拏懸知神最王始信知無涯鼎古焚煙細筇閒倚柱  
斜方瞳明點漆翔步捷輕鴉小劫尋常過諸天數量  
參那須臾縣菊何羨稚川砂導引嗤禽戲方書却牧

靡孫行連武顯素業一經畱養志傳高節齊睂肅副

珈嗣君諫菴著書不仕汪恭人年八十六長學士一歲少微垣絢采東壁氣舒

赧綸綍褒人瑞纓紳仰國華神襟參老釋歲月永

羲媧載聽歌三奏重簪桂一桎春風吹鬢滿士女拜

塵遮大畫行方屆慈恩望共奢漢庭輸矍鑠魯壁笑

聲齟盛事光書竹卑枝喜附葭百年榮悴異再世歿

存嗟大父行誰在孤生願竟貰先祖與公同年提攜忘蹇劣

感激厲修姱寓迹巢依燕冥行目待蝦頗聞譽筆札

幸不斥優啞末席容窺管虛懷等嗜痂辦香宗謝傳

奇字問侯芭誦德詩慙雅抒情俚近巴絳霄迴日影

看作滿天霞

梁諫庵大兄屬校蛻橐奉題卷後

束髮入學時疇不思遠大年運忽已邁精力困塵堪  
仰屋勉著書頗亦出無奈志士多苦心名字惜翳曖  
吾兄襲華胄早樹文場旆流風揚芳林輕雲翼華軌  
謂當廟廊薦共睹高岡翮時命旣不諧欲進屢蹇踣  
慨然千載上興與古人會掃迹遠場屋數門謝傖僧  
冥搜發古蒙快意獲新沛四部七錄書所得亦已忭  
當代數史才微君孰居最名山旣有託世事風吹籟  
餘暇爲文章下筆吐瀟灑尚言非所長輕比蟬羽蛻



十纔存二三謂余更淘汰一誦屢嘆息遠想陶鈞外  
造物位置人誰能測狡獪八音和韶鈞五采飾星體  
此才那不試典冊寧無賴廣羣厠駑駘空山遺蘭艾  
世人多目論衆口誰炙膾庶幾付將來餘芬或沾丐  
金溪酒後論史作此戲之

生前杯酒已入手忽忽更思身後名畢卓劉伶俱列  
傳豈知不朽在飛觥

題洗心亭

山徑自回互山門隱樹林洗心亭下水曾洗幾人心

寄胡書農兼示屠琴塢

傳

姚笙華

樟

及家青士

前年消夏共題詩又見炎風灼體時天上寶書君細  
讀南中酷暑我先知一鶯出谷飛初健謂琴雙壁藏

荆削尚遲想得過從涼月下祇令西笑寄相思

### 小窗

小窗寂寂一庭陰又見春歸綠已深雙鳥爭飛穿柳  
縫殘花低亞影池心讀經難得先師意覓句聊同老  
婢吟百事無能身早退閒名幸免世人尋

### 雨阻不得出東湖上友人

虬簷瀉溜曉夢醒檐雲斜壓窗半明攬衣出門雨更  
大却望八極雲冥冥昨日之日不可追今日之雨何

爲哉雨師似厭狂客鬧罰使枯坐生愁懷愁懷綿邈  
百感集過隙流光不容拾巨瓠小草等無用側立千  
秋耿胸臆未入壺邱衡氣機虛思夏棘垂天翼旗幢  
創壽智人笑簡墨役神愚者惑不知愚智果是非但  
覺雨聲長滴瀝懸知看雨上湖樓樓前山色淨于秋  
沖烟高鳥翮正健依汀閒鷺心無求雨絲滿眼捉不  
得便如別緒紛難收苦雨雨不止言愁始欲愁但願  
雨作酒洗盡胸中憂西湖四面三十里借作酒池同  
拍浮狂歌痛飲真可樂身外萬事徒悠悠

蕉下聯句

高簷過牆綠周生蕉陰生晚涼楚生展如新竹簟周

生相映薄羅裳楚生葉孰如渠大周生心真似我忘

楚生最憐逢急雨周生清響滿長廊楚生

輓何春渚

頗訝樽前膽不豚甕邊殘夢幾時還生惟飲酒寧非

達死尚哦詩大是頑架上仍留焦尾集卷中虛想凍

梨顏歲暮承惠詩集一枝吟杖橫擔去好在梅花竹

樹間

小飲九能齋中善子侍坐甫離襁褓風度老成

他日九能爲善子索詩作此以贈

善子生而善風丁識字先奇童應有種家法定能傳  
果說離支美人誇安定賢不妨居外宅何異里三遷

李壯烈伯

長庚輓詩

海岸突兀官祠新 詔書特祀李將軍以死勤事應  
祀典況乃將軍忠義人將軍早冠羽林籍通經曾奪  
儒生席誰言絳灌定無文共道丁寬能說易家本漳  
南水戰工樓船教士有威風洗兵臺嶼魚迎棹建纛  
松門鱷避弓 聖代聲靈服函夏蚊蠅熙熙陶至化  
攘除沴氣歸尾閭鼃鼃窟宅聊憑借飄忽乘濤鼠解  
飛公然剽斂鴟能嚇一物失所 天心矜虎符宵下

軍朝興將軍拜

命作總統舟師六鎮隨麾旌牙旗

十丈天半赤巨旂一動龍堂驚誓清瀛渤報

聖

主灑酒慷慨登平乘將軍南行賊北避出沒無蹤如  
鬼魅不爾深竄入夷洋奔浪連山渺無地幾番觸網  
血义族未得然犀窮醜類頻年海上駐和門以船爲  
衙海爲治一朝哨見賊船來將軍大悅麾戈催么磨  
此輩何足道亟須縛取無疑猜是時嚴冬歲將盡危  
檣凍矗冰皚皚船頭手劒督戰士中流發拍聲如雷  
鯨牙困急更跳擲碧火四嘯狂雲頽大星忽墮虹貫  
壘將軍歸神上箕尾屢聞申子犯通中終見敬通困

流矢鐵衣慘澹淚如湧銅鼓淒涼潮不起幾載辛勤  
付逝波一點丹心照青史 朝廷揮涕念勞臣名勒  
宗彝沛重恩茅土分苴延懋賞螟蛉式穀立勳門會  
當寸磔長蛇骨更祭崇封下馬墳諸將誰非承

帝眷九原何以慰忠魂漢家都尉東甌治父老歛歔

誦遺愛分俸畱傳橫舍疏埋齒珍重穹碑記

公有墓修寧波

郡學疏及義冢碑記

誰料輕裘羊叔子翻成握節何無忌男兒

委質從王事馬革裹尸酬壯志我作神絃迎送歌如  
聞甲馬雲中至

十一月十八日雪叔母汪安人塋次

曉起山容出格清豈知釀雪在空明長天孤鳥底事  
急野岸枯枝作意鳴數點纔飄猶帶雨萬花忽舞欲  
鋪瓊年來骨肉傷心劇多恐風前淚灑成

題戴金溪

敦元

比部寒宵試茗圖

閒泛花蘂影裏春圓成好夢鬪清新

角香嚴  
點茶語

不知堅

坐緣何事倦損鑪邊候火人

霜華皎皎浸街心茶罷歸來漏已沈如此寒宵如此  
客人間只合畫圖尋

何處清風醒客魂一甌暫與借溫存只愁雲外迢迢  
夜炷盡孤燈有淚痕



金上之房集二  
懷抱誰人得好開中年哀樂更相催癡狂我亦爐邊  
客苦向茶煙懺悔來

蘇文忠公生日集祠下題鹽官絕句石刻殘字  
新得自吳山溝中者

鹽官部役亦冬時新月初生歸尚遲游迹偶過南北  
寺白雞古檜盡題詩

誰按片石出荒溝付與吳山故事畱恰似黃庭褚墓

本光芒騰上壤牆頭

前歲武林門外人家于  
壁中得褚摹黃庭宋石

斷股零鉤剝蝕深還同獵碣費推尋寧論翰墨關風  
雅政復因公惜碎金

小著疎梅未放妍  
拜公祠下又今年  
一湖煙水應如昨  
展卷千秋意邈然

己巳元日早至天竺集詩牌二韻

疎鍾散春水  
山犬臥松門  
行過溪南店  
寒顏借酒溫

題方竹堂沆藝菊圖

方君澹雅人  
東籬託素尚  
宦遊在當時  
燕市久跌宕  
拂衣歸衡門  
天和自涵養  
鬢毛雖已蒼  
風姿儼少壯  
客從長安來  
攜囊走相訪  
云從常賣家  
得此燕坐相  
賓朋各展視  
相顧一惆悵  
謂是柴桑人  
顏不醉醇釀  
明明坐上客  
對此乃成兩  
主人所然笑  
舊事亦幾忘

春明車笠交，延陵數來往。偶逢寫真者，點筆出意匠。  
誰歟能愛我，夜半負而往。距今不記年，故我忽相向。  
麋目還可仞，老壯已殊狀。觀河感面髮，懷舊意悵悵。  
衆賓釋所疑，諦視屢俯仰。頤頰昔較肥，神彩今逾王。  
亟勸付裝池，卮言各擬況。龍劍合雙鐔，大弓復故轡。  
鄙人竊私喜，如交廿年上。頗惜識面遲，觀圖足以償。  
卷後富題咏，名輩迭酬唱。頌美愧不如，紀事未多讓。

園梅將謝坐對成詠

微風度梅林，時見花片落。蒼苔雪交加，枝頭漸蕭索。  
繁英幾日賞，已復惜殘萼。窺窗兩三枝，尚愛影如昨。

夕陽瑩清寒生煙澹無著意適欲忘言徘徊此池閣

新柳

雨染風搓幾日勻曉煙添媚月添春也知穉綠年年  
有一度看來一度新

春草春波碧可憐總來不比柳枝妍老夫也覺撩詩  
興何況春人最少年

柔稊點點未成絲消受東風尚覺遲看到長條解披  
拂泥人惆悵已多時

節孝張母王孺人詩

風涇水清瀾瀾風涇鄉節孝里里中張氏有母操行

甚高美伶仃弱歲自王育於張唐蒙寄生松柏之旁  
隨大婦奉高堂使助筵孝且良敬事夫子不敢矜容  
光舉子女教育有方夫子病沈篤哀籲乞身代鬼伯  
不見省使我寸心碎上有白髮鬢鬢之老姑室中女  
君甚矣憊持門戶大不易身不可亡忍痛強自力黽  
勉有無進甘旨姑年九十婦心乃喜賢哉節孝母如  
古敬姜布裳操作勤女功撫嫡子同所生事亡如存  
豐潔蒸嘗春秋上冢如覲姑嫜葬夫子及女君高墳  
若防穿土其側自爲藏同穴大義章章賢哉節孝母  
三十喪夫子金玉自守天矜苦節報以福厚身見五

世年過八十世希有子孫濟濟門業茂歸於其室如  
釋重負鄙人作歌詒之彤史傳不朽

李空同藩邸宴歸圖方懶儒摹杜古田本

江城漏靜銀河轉朱邸沈沈初罷宴紅妝扶出謫仙  
來華鐙千盞迎歸院龍文虎氣輕侯王酒膽作作生  
光芒陽春一記聊快意東巡之曲同荒唐樵舍陰沈  
鬼火嘯晉邱原冷鼉鼙弔粉本傳神亦可憐豪情狂  
態見當年遠窮意匠方三拜欲出青霞亭長前三百  
年前論風會纓紳尚覺虛名貴但說騷壇古學興不  
愁憲府深文劾犀甲鮫函鬪水兵永王師出更無名

繁臺不比夜郎遠猶見歸來獵火橫

讀清照閣詞

咽住瓊簫咽住絃萬千惆悵惜華年人間春短花偏  
怨心上秋多月亦憐奈女只應歸淨業蘭香底事結  
塵緣翻嫌青鳥傳芳翰下界吟來總惘然

列戟門庭錦繡堆畫欄深處著寒梅自和冷月閒中  
語如有酸風紙上來憂患無端緣識字韶華難遣是  
多才人生有願知誰稱可獨靈均怨鳩媒

慧照上人來游西湖枉過值某甲不在賦詩二  
章却寄曩至珠溪未及到清華閣故有首句

前年望見剎竿還此日仍勞枉錫環何處劇談曾一出機鋒寄與隔湖山

九峯黛色近如何物外幽情滿薜蘿可惜林公高會

處當時華屋已山阿

上人爲王述庵司寇方外交

和汪選樓

家禧

買得其族祖繡峰詩彙作詩志

感

吟詩誰是不求名身後飄零亦足驚盡道田園如傳舍豈知書籍亦風旌市人未必知陽五名士猶聞說阿瑛

繡峯存日愛客好交遊

賴有生平賢從在殷勤收拾付緘

簾



以霽山集貽選樓選樓有作奉和

白石畱樵唱傳鈔尚未湮危絃最心賞插架合情親  
異代滄桑感空山風雨晨好看窗外樹閒話宋遺民  
選樓窗前有  
冬青一株

過志公花塢精舍

石橋橫斷磳仄步款林扉谷邃雲生牖松低翠染衣  
虎從花下臥龍向鉢中歸師已忘言說爲余露一機  
聞姚笙華家青士捷南宮却寄并示趙謙仲  
櫪

榜帖傳來慰我思青雲二士振鴻儀爐中久識神丹

熟材上應占吉夢知竝馬春風新得意擘箋閒夜憶  
吟詩更煩寄語鷗波客會見飛騰莫悵遲

顛公以詩集見惠承聞腹疾無損道履小詩荅  
簡侑以朱提二枚

腹疾定知緣米汁吟詩聊復當禪譚甘家故事而今  
又且請堂頭更一參

### 暮春

莫春池館晝惜惜花木無多自覺深有底愁心銷不  
得一番清坐自沈吟

閒身百不關心事始覺春殘意不忺只恠柳絲情似

我了無聊賴，倚空簷。

題沈聽篁

鏐彪

曾經滄海圖

尊人爲臺  
灣太守

東西古外水漫漫，曾泛瀛查得壯觀。  
門子心清依畫戟，海師聲喜問羅盤。  
驚濤晝靜魚龍戲，明月高懸島嶼寒。  
合與坡公鬥奇絕，丹青寫付小齋看。

無題

百刻頻傾綠玉卮，莫春天氣惜花時。  
若爲著眼眞無奈，便道逢場已恨遲。  
酒半月斜人欲散，形疎態遠意誰知。  
蕭騷兩鬢添惆悵，不是當年杜牧之。

吞金吳烈婦墓

烈婦之心金百鍊七死七生心不變膽瓶可碎腸可  
割身與瑠璃同皎潔此事距今百廿年墓門荒草薶  
秋煙清光如月不可蝕暫晦終顯寧非天觀者太息  
行者止高坊道左還依然前有檢討毛銘以片石文  
中豪後有學士梁大書七字鸞鳳翔表微自是君子  
性殺身豈博姓氏香面孤山背葛嶺此坊此墓合共  
湖山永 皇嘉慶年龍壽星修墓者誰吳之後裔  
河其名

有嘆

宇宙育萬物一身良已微竭智以自謀豈不保其私

百年誠易盡庶幾善所歸勞勞役心神問君何所祈  
劬勞爲子孫焉見反哺時黽勉事朋友徒費酒食貲  
王霸安畎畝婦子相嘻嘻淵明雖乞食得食還賦詩  
身退不思隱觸事履危機一朝不自得計畫無復之  
生存望推挽旣沒庸相悲相悲亦奚益長夜無還期  
賦命寧有定悠悠感我思

燈下誦詩作

聲情穩稱十才子壁壘精堅韓退之也知熊白尤堪  
貴便廢河魴尚有疑

香山願作義山兒端明還和淵明詩人間名滿不稱

意得失晚年心自知

古今共用此才情一月千潭印印成但願文從還字  
順不妨學地過今生

荅小顛

湖波動影四山忙著個顛僧也合當釧動釵飛空戒  
相糟牀肉格見威光桃經秋熟煩君致酒爲賒多勸  
我償聖境不求凡想盡只應觀水醉千場

擬李義山

秋思耿無寐不知蓮漏沈雲雲前度感草草去時心  
墜想和塵積閒愁逐病深它宵迴半面絕勝萬黃金

七月七日談星符

泰

廣文蘇樸園

兆登

太守黃

賁生

郁章

大令三同年阮小雲刺史

常生小

顛上人會食南屏方丈樸園賁生新自江右  
至是日卽送星符赴南滙樸園入都

坐對黃皮塔畔松朋簪偶此一相逢客懷淨洗西江  
水別思愁聞下院鐘當戶風來秋在竹隔湖雨過日  
斜峰大羅天上前塵事閒伴山僧笑我慵

己巳九月自杭至嘉禾道中默記戰國策因成  
七首

我愛層連子翩若海上鷗四豪莫能客一出遂歸休

爵祿旣不念焉復事王侯惜哉與人事多言亦奚求  
一射聊城書遂刎燕將頭

堂堂昌國君燕趙一名士時來功名顯運去身客死  
秋風黃金臺駿骨更誰俟徒聞送慶卿悲歌動易水  
安陽睹前魚一旦憂心惻見機非不早啜泣嗟何及  
榮華有憔悴春葩及秋葉盛衰苟因人在心徒媿戚  
男寵不弊輿女寵不弊席山中有芳蘭不願佩者緝  
於陵子尚存頗訝趙威后齊士此巨擘不殺焉用醜  
糟餘咽獨甘兄饋哇自口飾廉亦已高存心乃非厚  
足恭左氏恥鄉愿鄒叟詬聖賢惡行僞慎勿輕彼婦



憶昔遠行役西北至燕趙古來千戰場朽骨生春草  
白日何蒼涼陰雲迷遠道悲風晚來多鬼火出廢堡  
皇風一以遐強力互寇討禍結連四海骨肉不相保  
思之令心驚渺默傷懷抱奈何儀秦流於此逞辯巧  
申韓生晚周其意蔑皇王豈謂一智用彌使百僞嘗  
巧變自人心隸首不能詳醇風不可回德化徒徬徨  
標枝與野鹿此道久榛荒清言尚真率兩晉亦淪亡  
宇宙一棋局奕者更誰某棋局本無知奕人骨遞朽  
畱傳數紙書得失挂人口夜蛩啼秋鐙酸風動虛牖  
古懷鮮所忻寂寥更迴首七雄安在哉茫茫千載後

送客

送客通川上終宵宿野航  
榜人喧晚火倦體念繩牀  
風逆水聲急江空蟾影涼  
靜知多俗慮擾擾未渠央  
嘉興遇陳桂堂太守  
廷慶讀新箸過三塔灣行  
舟前後不相及

夜分約清言連舟傍岸牽  
縈迴過別浦惆悵隔蒼烟  
想旁孤吟燭仍思未見篇  
風聲雜蛩語惱亂不成眠  
落葉和汪小韞姨甥女

何處秋心逐日添飄來涼影閃空簾  
石闌鳥散和塵積風磴苔荒帶雨黏  
一片高梧先警露數絲髡柳尚

窺奩侵晨試拓紗牕看樓外青山露幾尖

風聲漸緊樹聲殘風滿林時葉滿山落照生寒秋一  
色白雲極望鳥孤還評量身世歸根地檢點流光對  
鏡顏飛絮落花休漫擬不沾泥水自蕭閒

依依未忍下高空約略疎林見斷紅似水涼煙還泛  
泛如馳短景又忽忽浪拋巧匠三年楮輕颺寒閨一  
剪風好向米家商畫法墨痕碎點小庭東

夏景曾憐遮日綠秋來才見染霜丹無端曲徑縱橫  
滿陡覺高樓氣色寒舞去定依風力轉燒殘便作劫  
灰看亭臺是處都蕭颯賴有芙蓉露未乾

落葉再和家質生

古木蒼鷹畫橐膾最難點染到寒芳荒涼月色堆闌  
角嗚咽溪流擁石棱踏去應知非俗客埽來只合付  
枯僧莫愁老屋敲斜露添寫蒼松晚翠仍

休戀翩翩翠影屯物情終是重歸根高低轉眼憑風  
力疎密連宵驗月痕隴首雲飛成故實御溝水去有  
通源詩情端向秋來悟去盡陳陳格始尊

喝人擁處記君恩滿眼扶疏氣象尊寒色先從高樹  
警繁聲可似亂蟲喧曉隨雲起意千里晚趁雅歸冷

一村纔衣

去聲

還鄉大使錦便埋深巷翟公門

金一之卷五  
何須宋玉嗟搖落可但淮南悲長年便共龜毛仞前  
影也如逝水無還川空枝誰會頂後相下語須尋露  
體禪尚恐餘痕乾不盡寒蟲畱與作因緣作二首後  
詩思未屬  
是日出弔兼有所  
感遂成後二章

許蔚宗 質生

殘蟬烈烈暝煙昏黃葉蕭蕭正滿村莫向風前悲  
斷梗好從劫後悟歸根影偃蟲羽翻莎徑寒逗龕  
燈擁寺門曉起空階拾紅柿石欄點筆有霜痕  
斗覺林閒露遠巒一天秋思渺無端送來涼雨宵  
聲雜點破斜陽雁背寒荒逕晚來和影埽敗紅畱

得當花看空枝相對渾無賴只似槎枒生肺肝  
買醉從今泥索郎漫空寒影晚蒼涼客來最好聽  
雙屐園小何妨委半牀蟲篆牆陰畱古蹟月梳林  
下漏清光翻疑賸淥涼紅外剛唱秋風曲一章  
江路丹楓逐水流井梧簾外又颼颼似參枯木三  
冬句恰助寒砧九月秋委地尚隨風亂走入門恰  
比刺輕投相看莫訝漂搖態身世由來不繫舟

附古春軒作

梁德繩

秋風蕭瑟度寒林搖落關河警客心立馬祇愁斜  
照闊聽禽猶記曉烟深亂吹野外蓬蓬去獨舞池

心得得沈望斷金微霜月白可堪急響間疎砧  
禿立千株尚怒號霜風斑剝壓蘭臯物情刻露秋  
來淨生意零星樹底牢驚坐忽隨人共到舞空欲  
與雁爭高寒螿倚著還啼月秋士愴淒欲廣騷  
山紅澗碧已都非賸有空林挂落暉煮茗香清三  
徑埽曳筇聲碎一僧歸詩人老去存高格仙子閒  
來補故衣誰道摧殘無可惜攀條有客尚依依  
錚然驚斷夢雲涼入夜聽來思渺茫似曳生衣迴  
步履驀翻孤影閃空廊銅溝舊恨隨流水金井新  
愁寄曉霜莫向君恩比疏密枯枝容易又春光

蔡母徐孺人割股圖

金刀一割血出漉草木無靈不如肉阿翁呻吟氣力  
微阿婦含辛淚相續鑪火色青紅調湯瓦銚中精誠  
能與司命通遂使枯槁回春風當時孝婦意濟否非  
所擬尚不惜軀命寧論非與是但願翁年除黑籍不  
願婦名挂彤史誰歟聞者不敬美況乃披文悉終始  
劉廬仍世接昏姻淑德慈儀聽睹真讀畫如觀武梁  
壁揚芬媿乏彥昇文

秋懷

池面蕭騷脫葉浮小園又見一番秋天高目與孤雲



迴地僻身如獨鶴幽憶昨西風歸馬健便酣鄉夢歲  
星周流光眞向閒中過白髮朝來忽上頭

粉牆一線上朝陽黃落空林曉氣涼睡足稍能蘇肺  
氣病多自覺負時光聊爲遣日嵇康鍛未耐傾身祖  
約筐喜說下田香稻熟已看項領類荒傖

新霜一夜落芙蕖誰製秋衣賦遂初安石本來無遠  
志季鷹只合戀鱸魚百年鼎鼎銜薑鼠萬事悠悠旋  
磨驢四十無聞空廢日不如溪上學樵漁

舊時露卯暗塵蒙枉向湖山作寓公問訊煩僧輸藥  
物招遊謝客具筠篷亭臺想像雙堤月寒熱因緣一

榻風丹鼎方書長挂眼荷花桂子付秋空

街彈宵靜察非常弟二萼萼已閉坊空院月明難久  
坐幽花露泣偶聞香尊疊往憶判長夜箏笛新看委  
一牀嘹唳雁聲空外過舉頭意緒入蒼茫

秋鐙風雨感離羣契闊年深出處分客至每因西向

笑書來頗及北山文共知魚鳥安疎野早識驂驪定

策勳聞道蔡邕新待詔故人從此盡青雲

武進徐仲平準宜以

薦入國史館纂修天文志

綠苔滿逕少人過門柳蕭蕭伴病魔此樹婆娑生意  
盡中年哀樂感人多醫因三折肱方學心爲一絲頭

所磨欲向詩書了殘債不堪歲月去如梭

女貞裊柿葉相交老樹雙株月可梢青子累累靈液

聚朱顥

平見柳  
渾詩

磊磊玉漿苞荒庭霜後生顏色小摘

賓來當酒肴呼女文追蘇彥頌勸兒書學鄭虔鈔

上河水漲下河低下牕舟憑滑滑泥楓葉飽霜紅炫

郭蘋花過雨白盈谿少年長路輕天北老去歸心怯

日西惆悵烏巾山畔路當時亭館已淒迷

寒家舊居  
德清烏巾

山下家  
恭簡有  
德清山館記

風雅由來盛舊京南湖遺韻接東城

杭詩人厲太  
鴻居東城淵

源敢忘橙花館著述曾窺洛下閤

先大夫從杭堇浦  
編修問故宗彥收

得袁惠子張  
兩湖遺書

八月潮聲思健筆一湖秋水載清英白

頭書聖還無恙細數名流與品評

謂梁學士

### 病肺

病肺畏寒風兀坐類蟲蟄世網已逃空書城聊請急

黃賁生

郁章

同年返豫章病中以詩代送

病多嗽上氣睡過小陽春忽漫聞君去彌憐相見新  
行藏何者是蹤迹幾時親倘網寒江鯉緘詩報故人  
道旁碑

隼尾半蝕墨龜跌仄陷沙欲知離合字須尋第四車

宗彥六歲侍

先大夫都邸

母夫人手錄魏

氏三祖詩於燈下教之距今三十八年矣夜  
讀古詩紀省憶舊事泣然懷戀

鄴下歌行首燕中卅角年教兒勤諷誦有母最矜憐  
手澤難重見餘生亦苟延依依當日事如夢一燈前  
十月二十日雪

入夜風初定開簾雪已飄孟冬寒尚淺未必積山腰

鑑止水齋集卷六

德清許宗彥

詩六

陳蓮汀載書訪友圖丁小鶴子復索詩

陳君愛書兼愛友襟期與俗殊  
窠臼易師吾友丁將軍道子才名不去口  
縱橫文史東方生通明經誼吾邱壽聚書論卷萬者二魁儒捧手十而九  
忽然獨坐意不樂徑棹扁舟訪誰某奇字當求子雲問博物應從茂先扣  
或造劉沓仞古器或就任昉辨蝌斗滿船圖史月明中拂面秋風澹楊柳  
我初未識君聞名幸不後目倘著西齋容我他時借紙酒簿倘錄金蘭容

我其間挂名否邇來嬾病百不堪書箒堆牀付塵垢  
朋儕鎮日少經過獨臥虛齋歷辰酉爲君浩歌起太  
息俯仰千秋一搔首素尚仍隨元髮衰少年意氣今  
何有

題周穆門先生書修禊卷後

自從蘭亭後祓禊幾高會緬惟乾隆初文士杭稱最  
風流婉東晉時運值清泰良辰選勝地雍容集冠蓋  
湖風襲清淳花柳散芳靄想見坐中人遐懷軼塵壒  
辛老齒居先蘸筆灑滂沛三絕序詩書天機發高籟  
流傳六十年故紙香醅醲閱世遂成古靈襟不可丐

遙遙溯永和況乃千載外那不感俯仰斯言亦無奈  
序云不必念俯仰之  
頓殊感今昔之異致

題王竹嶼

鳳生

通守江聲帆影閣圖卽送歸江

寧并謝惠尊通政雙佩齋集

見君恨晚君欲歸將歸未歸款我扉敘陳先誼語淒  
哽孤生有淚同沾衣我家舊住餘烏村近來偶作西  
湖民君官分江入海處故鄉却指江之津江津風色  
新林莫傑閣岩堯莽迴顧袞袞波聲伐荻洲飛飛帆  
影垂楊步六代江山眼底分世家禁里溯清芬藍田  
膝上看文度思寂前光有衛軍肅纓再拜讀詩冊更



展橫圖豁胸臆詩自岷峨導有源畫收江海歸無極  
攬環結佩多名流短李迂辛互唱酬此圖此閣定希  
有閤中之人固是神仙儔况我與君緣世舊如昔同  
岑蘭共臭素車此日送君行露輶他年望君又來應  
相約聽秋濤往便相尋泛春溜不辨元龍上下牀且  
觀天闕東西岫

王貞孝女歌

五解

已嫁孝不衰不如未嫁真有女秉奇志孺慕以終身  
環瑱永言撤形影閤中庭春秋自花月木石本無情  
玉以考見貴松以寒見奇託疾全孝行用意良深微

亭亭孤生桐啞啞返哺鳥北宮嬰兒子匹此千秋模  
驚風吹庭柯灑涕祝向天藥中和血肉含笑奉牀前  
綠陰

一聲啼鳩送芳菲偷負春從樹上歸簇簇新芽宵雨  
潤沈沈深院晝陰肥治絲有女方思古染柳何人乍  
換衣那不關心時序速賞花亭館影成幃

又費東風幾夜功巧將萬綠換千紅寵光高樹與多  
碧點綴閒庭更不空穿去鶯兒身瘦小上來月子影  
朦朧扶疏縱是遲他日已覺涼生半畝宮

疎疎密密看皆好葉葉枝枝不厭繁夕照收時疑有

雨平林深處欲藏村高侵屋角低牆角濃襯山痕淡  
水痕莫與春紅較遲早一般雨露化工恩

十齡嘗誦陶詩今四十三歲矣燈下展誦感于  
總角聞道白首無成聊賦此章

少小事諷誦頗復希古人忽忽三十年遂成衰病身  
舉動半諧俗逐事乃違真已無噉名想矯厲亦奚因  
至道諒非遐邈焉不吾親昨非今未是歲月坐沈淪  
荒嬾咎誰執已矣復何陳

人生迫憂患古賢亦有然念我與世間百事少屯遭  
衣食幸自給仕宦早歸田彈琴酌美酒妻子笑盈前

盛世軼唐虞萬物安其天逸居不進德寧獨無媿焉

題峴山社會圖

勝朝中葉承平日諸老高風致仕年管領溪山成雅  
集流傳圖畫見前賢冠巾一色閒身便觴咏無拘樂  
意全尚記舟人頻指點危亭遠峙水雲邊

題吳更生

引年

借書圖

耽書大好作生涯借閱從人計轉佳却笑鄴侯三萬  
軸不曾手觸但籤排

日昨吟君一卷詩太常金采自葳蕤釀花成蜜畱香  
味糟粕還人未是癡

近來書貴比珠玕善本矜奇借亦難不傍靈威仙洞  
住祇應寫作畫圖看

送小韞于歸陳氏時尊章雲伯明府方宦吳中  
畫舫南來新月纖彩鸞下嫁飾華幃便同遠別悲歡  
有如此新人德貌兼快婿況爲名父子深閨不厭考  
詩嚴異時唱和緘雙鯉禿筆猶能韻一拈

附

梁德繩

珍禽翔雲霄山林一迴顧池魴送江河願渠得所  
去嚴妝旣已竟旭旦戒蘭馭施衿申丁寧未語淚  
先墮詩人悲葛藟獨丁此苦有姊嫁遠方歸寧

限禮數有兄守衡門尺水困濡煦豈無強近親相  
視等陌路外家誼獨真寒暑無異遇惟我與汝母  
同懷意深固汝母失長年遺汝在嬰孺雖非握手  
託默默相委付汝隨嚴親遊飄搖亦云屢桓山悲  
別離哀音向誰訴我聞迎汝來相依一年住團圓  
小姊妹提挈共朝暮庭有滿欄花襟汝染香霧室  
有盈架書腹汝飽竹素秀眉日連娟丰容逾修嫵  
湖冰泮輕澌東風綠芳樹壻家宦姑蘇誨吉告迎  
娶慰我十年心肇汝百年務臨當加景行且復須  
臾住念甥少小日穎出抱神悟七歲裁小詩往往

有佳句所惜女子身講授乏師傅但從意匠營頗  
合風雅趣擬古攬荃桂體物妙風絮夫子論詩苛  
疵垢好磨鑢紛綸辨真偽許汝得參預郎君詩禮  
門况聞美無度淵源有舅嫜別集久傳布相攸善  
所歸豈在盛簪具芳辰愛景光帷房樂恬豫唱酬  
陶性情琴瑟宛在御梁孟暨鮑桓庶幾古賢慕尚  
須勤婦職才名非所據結悅示成人著代行降阼  
寒濕奉席衽甘滑調匕箸紉綴夜燈遲盥櫛晨雞  
曙使令宜敬承意指勿輕忤所貴睦上下但莫惑  
婢媼柔順汝性成迂懦我所慮行已苟不訾發言

亦何怖佩汝白玉珩願汝節行步衣汝紅羅襦願  
汝思織作勸汝安胡飯願汝加餐餽飲汝合歡觴  
願汝保和煦外祖舅父母各各汝告語一一識諸  
心久久勿遺誤述昏倘有詩申情倘有賦江鱗旣  
東來雲鴻亦南翥毋以女蘿薦而忘宛童寓雖無  
毛裏恩亦復關肺腑墨車已授綬畫舫待津渡佇  
立望去輪輾轉不知處感念何時平釋此心神注

題顛公六十九小像松光上人畫

顛公年七十迴憶六十九迢然過去心面目亦何有  
幸哉有松光爲之駐顏壽今吾非故渠今渠正故吾



順行逆行無不可披圖一笑傾千壺

揉艾去其骨纏以纖篾大如指長二尺餘謚曰  
艾柱長夏然一枝可黎明達莫蚊蟲遠去好事  
者歲輸百枝于學士公爲揮翰助公分半貽予  
予百無一能袒衣北窗臥恬然著枕與夢俱清  
醒而賦之以詩

暗中星火縕靜處妙香聞自有三年艾不愁通昔蚊  
微颺拂涼簟清夢入疎雲擾擾庶茲息還同慧性熏  
聽煮石上人彈琴

迦葉前身本樂師故應結習愛琴絲禪心好向琴心

會正是秋山最淨時

瀟湘去雁無畱影江北梅花有舊陰散盡茶煙禪榻  
外餘音渺渺碧天深

口占

園林薄晚漸生涼風動高梧見夕陽歸鳥亦如人意  
樂樹頭小坐弄圓吭

萬峰山房探梅作

正月寒猶甚梅花禁未開心空畱鐵幹萼小綴冰苔  
石壁烟痕澹空林雪意催相期他日酌照影有深杯

二月廿四日記聞

二月日廿四天將明未明怪風西南來鬼車隨之鳴  
俄聞窗戶搖堂宇岌欲傾八萬四千響師曠所聽熒  
有如衆排闥一夫力與爭又如推飛樓驀墮虛塹坑  
如曳百車木戛切相拒撐如駕萬斛舟顛簸浮滄溟  
須臾聲漸碎良久勢乃停嗟余久嬰疾起坐剛殺更  
聞此最詳了默念尤怵怵胚胎凝厚質萬類所依憑  
方當生氣始奈何不自寧吾生託棟宇如鳥棲巢檜  
倘陷不弔例真比鴻毛輕江南異西北異事見未曾  
侵晨聞巷議譎怪遂風生誰刺巨鼉鼻一噓六幕驚  
八龍不穩臥須臾妄奮興或云雪山上仙人妙琴聲

大地亦起舞若與迦葉賡或云共工魂萬古恨未平  
偶經不周山再觸天柱崩斯言旣謬悠疇能測杳冥  
平子陽嘉儀億中非可恒歐邏亦有術祕詭以自矜  
此皆拘形器烏識至陽精卽如仲春末梅花才敷榮  
嚴寒外凝闕盛陽內鬱蒸橐籥所鼓盪鍼芒泄奔騰  
人身小天地相感潛通靈藏府失宣節坐使邪患侵  
嗟余從冬來嗽上疾屢增邇日更困剋胸臆如安橫  
司天及在泉旁驗岐黃經與方輒不效忿欲毀鼎鎗  
翻因小震威助我春木升性地悟真空嗒焉忘其形

次韻答汪選樓家禧

蘭薰玉質淳學富道寧貧阿買方求益長瑜品最真  
交情甘冷澹奇氣鬱輪囷君讀儒林傳偏多傭教人  
議論博而淳能療腹笥貧鳴謙心自得識曲聽誰真  
風雨寒侵幌山林說捍圉場苗愧維繫空谷見伊人  
臥病旣久恐不復能自振枕上作挽詩二章聊

以貽諸達者

天地有變化吾身遂歸休古人重聞道夕死非所羞  
四十不爲夭偃寢誠良謀長林脫倦葉滄海停微漚  
寓形一以散神理空悠悠永言樂寂滅萬古無所求  
生存接形骸恩紀篤始終中路忽捨去念之摧心胸

願我不自主疇能畱我躬苟欲忍須與造化不我從  
妻子幸自愛毋爲怨匆匆

陳芝楣

桐生

以優貢入都兼省其兄山右寄示

途中雜感詩却寄

惻惻輕寒送子行忽看花發滿春城身緣臥病思親  
串客豈耽游戀弟兄立馬晉祠多古意撇裾槐市且  
浮名少年自有凌雲氣莫向風前百感生

同徐新田

養原

嚴九能遊慈相院

步入招提去緣山石路平佛龕何太冷松蓋獨孤撐  
閣圯鐘猶挂泉空月未生摩挲認碑字詩客愛畱名

夏日雜詩

辛未長夏酷暑無俚晝臥小簟時復有作非  
一日所有不可次序聊復存之題曰雜詩

人生無幾何寒暑相苦患赤日侵肌膚沸若湯火煎  
揮汗聞喘息當食不得餐況乃涉世人百務交其前  
俯仰多憂慮何能保天年鳴鳥擇美蔭游鯈逝深川  
觀此足爲樂焉用浮名賢

高雲紅巍巍吹面南風炎不雨過一月熱電空炎炎  
涼堂等赤野綵絺失輕纖晚來稍蘇息屋角明圓蟾  
念彼隴畝人禾苗愁焦黔水車晝夜翻作苦手足兼

背文呈兆垢汙水流珠黏吾儕幸飽食無事長厭厭  
同爲橫目民懶惰私自嫌

鵬翼搏南風一舉九萬里鸞鳩搶榆枋決起纔尺咫  
小大材固殊得性乃一理易質亦同能勿以彼笑此  
好鳥多遠聲密林有餘聽偶此意同適不知暑氣銷  
閒門人跡稀寂靜忘昏朝一誦漆園書甘同社樹嘲  
阿定才七齡憐渠過羸弱病目幾至盲畏暑屢逃學  
厥弟未及晬注夏類癰瘡嘖呻短榻間不任炎威鑠  
老妻亦無奈終宵相倚著他時苟才賢未必遽天削  
萬事良由天且免憂心灼



金川先生集卷之二  
結髮觀載籍頗耽太史公竭來一展卷如與故人逢  
楚漢亦云遠了了心目中非徒事雄偉良由文章工  
隆暑暫時忘木末生清風

淮陰方未遇俛出少年袴一登大將臺風雲隨叱咤  
酈生本酒徒儒衣反遭罵伏軾馳三齊百城一朝下  
酒半就鼎烹朝罷死鐘舍士懷知己恩甘以一身謝  
傳聞不死藥乃在蓬萊山涉海已多艱況復風引還  
神仙亦何慳不肯來世間徒令人主意遠想輕塵寰  
金印佩方士夜立星辰壇明明雲中路何處可追攀  
日夕號天風園樹莽起舞吹雲四散馳雨氣何由聚

須臾衆竅靜明月炯然吐照我如有情寒光生肺腑  
爲園不及畝種樹八九株忽忽六七年枝條遂紛敷  
當夏益以茂滿地清陰鋪牆東一拳石頗愛峯巒殊  
所惜相虧蔽思欲一芟除斤斧傷長養使我意躊躇  
蜘蛛營密網用心良巧賊蝙蝠捷投梭辛苦僅給食  
卽炤矜微光暗水點月色夏蜩亦奚悲哀嘶不能息  
物情異萬端發露無所匿達士任其真素質謝雕飾  
行年四十四左車脫其一常恐漸動搖餘齒皆不實  
葉落警商飈灰飛測寒律行行就衰莫此數真可必  
追憶少年時竭意縱遊佚作健無不爲未料到今日

及今乃應知歲月故爲疾聞道良無期悠悠竟何述  
汪生澹雅人沈埋在楮墨強記窮五車高論滿胸臆  
金玉尚可求此士詎易得我欲與之言箭鏃不相直  
惜無負郭田傭教常惻惻八口仰一身安能不謀食  
伯牙傳此名絕藝爲世欽胡爲子期逝遽恨無知音  
在理苟未契盛譽不滿心悠然山水意風尚邈難尋  
白雲渺然去極望天一涯所思在何許佳會良難期  
隔以萬重山江湖繚繞之欲往足苦蹇待來年若馳  
豈無經天翼莫與通音辭徒抱一寸心耿耿惟自知  
種蘭在空谷培養多辛艱十年飽風露枝葉光爛熳

素萼凌晨發微風馨一山行人掇其英遺質委榛菅  
本無棟梁用庶免當門刪

廣廣九達馗車騎如流水晨朝集華纓委蛇都省裏  
小心事畫諾濡筆取進止天高而聽卑焉敢怠終始  
熱風吹驚沙衣焦不遑治昨枉尺素書敦勉到凡鄙  
回首謝故人一往便當已

兩女十齡餘秀慧頗解事小戴七七篇倍文畧能記  
豈望爲女宗聊使識大義世間重吟咏此事未足熹  
有美宜深藏何乃自炫異點墨宜自珍寸箋勿輕試  
吳山有陶生託業在書籍攜包買無人時復就我弈

所惜品皆下不中王抗役攻守無定規隨意作郵畫  
悔子屢紛拏爭道或喧噴斂局俄成空嗒焉聊永夕  
自古有達士無事但飲酒一醉三日眠不知卯與酉  
吾生亦好飲量不勝升斗近來苦肺疾杯行不入手  
獨處無懽悰出遊鮮曹耦終朝對書冊學問亦何有  
目眇思彌昏如戴釜在首西風不可招何以豁煩垢  
邃古旣以遠智巧喪天真至人有憂患作述用相因  
大道亮坦坦今古無異津豈知千載下六籍遂紛紜  
儒生已白首訓詁方斷斷往聖不可作作亦難具論  
夙昔好尚多聞道苦不早世故鑠其中靈苗日枯槁

邇來稍慕靜觀心  
屏羣擾妄念終難除  
亂苗如春草  
不悟此身空  
何由捐熱惱

不雨一月餘  
官吏迎大士  
禱吳山設壇以祈立  
秋日得雨喜而有咏

龍雨橫飛急  
點麤竟符渴  
夢倒江湖雲如白  
虎幡前  
督雷似靈解  
鼓後驅大士  
楊枝霑一滴  
道人桃柳釘  
千株眼前是  
物回生意不識  
嬌雛病減無

小雨由山大  
雨天山痕渥  
赭氣難宣八紘  
雲氣從空  
至七寶龍身  
奮勢先暑退  
眞如却大敵  
身輕渾欲挾  
飛仙高桐晚  
聽涼蟬噪  
今夜西風又一年

出郭

經年嬾惰不離城止豕輕舟出郭行忽見溪邊紅葉  
樹教人秋思一時生  
白雲幾處出寒林矗向高空似有心迢遞成陰遮落  
日霞光斜透入江深

壽小顛上人七十

大顛疑年舉數珠小顛稱壽舉酒壺問君過去二萬  
五千六百六十日雙丸日日東出復西沒如環無端  
電無迹何異當前風一映世人六觚爲握算甲子明  
眼道人應不屑況乃小顛不比大顛拙不談禪不謗

佛不將冷飯陳羹苦撫拾醉後高吟可百篇醒來狂  
飲能一石湖波釀酒濯肺肝湖月流輝媚顏色雖無  
楚媼躬撫摩尚有花豬供膾炙慈悲解脫且勿論坦  
拓胸襟誰學得君不見古人七十車先懸後人筋力  
勝從前卽如緇流也復愛名望趙州八十尚繫雙行  
纒顛公一庵臥白首有脚不踏城門邊人言顛公老  
更顛醉眼瞪霄暝青天我視顛公逾嫵媚清淨面目  
花中蓮他時貌得師眞者湖上清風山下泉

小顛送橙兼有詩依韻奉答

樹底輕黃著早霜阿師試手弄秋涼乘韋忽漫先詩



至給客還憐入座香  
廳館林疎吟眼濶  
江豚蟹壯酒杯長  
塵心不比禪心靜  
五日爲期作報章

江行

遠樹輕遮霧一層  
大星明處月初升  
秋江何處無秋思  
我已禪心兀似僧

元旦口占

年年抱病入新年  
枯坐無聊只自眠  
却怪梅花也遲懶  
疎枝不與雪爭妍

號叔大林鐘歌爲伊墨卿太守作

墨卿太守二雅材  
嗜古直欲窮姬郢  
別來忽忽二十

載把臂乃在明湖隈示我鐘銘字滿百體兼籀古驚  
奇佗號叔作器享考廟揮斥良冶酣鑪錐到今流轉  
二千祀古錦文裏精金胎林鐘銘勳等季武紀時直  
未飛葭灰安得神瞽試考擊上下生可黃鐘推會稽  
棧鐘焉比數況乃牛鐸眞輿儻景王所鑄本無射兩  
都移徙千夫擡梁陳尚愛此淫器翩翩作賦示嘲談  
侍中解義頗難據鐘上有覆何爲哉儒生考古每臆  
度那能目睹無疑猜君今得此可傳信瓊寶足敵千  
瓊瑰目醉麝蜜口屢哆問字願酌楊雄杯高齋特縣  
發光怪徑思往就親摩挲人生南北會相見物有顯

晦無終薶長歌吟罷意轉遠大聲剛自南屏來

三月十七日諸丈藹塘

以敦

招看牡丹歸後有

見作

豔粉嬌紅到眼新嫩陰天氣足精神東君饒與詩人  
福特放名花殿好春

幾番閱盡洛陽城此種移來色最深描作新圖評作

譜無端辛苦惜花心

唐人牡丹詩將  
謂從來色最深

見花似夢元非夢我爲南泉轉話頭參得花經三昧

了不妨錦幄悟圓修

南泉語錄指牡丹謂陸大夫曰  
時人見此一枝花如夢相似內

典有花  
三昧經

書韓文公集後

八代文章一筆刪  
雄辭竟自繼楊班  
却教諛墓成何用  
博得長檠照小蠻

一生立說闢西方  
萬里投荒到海陽  
却向禪牀聽彈指  
此情可許後人商

古意

階前雙屐跡  
昨日攀花路  
兩漿打秋潮  
送將何處去  
風吹合歡樹  
交柯自相戛  
可憐卷施草  
芳心爲誰拔  
山桃當春發  
巖菊經秋滋  
倉庚熠燿羽  
隔歲引雛歸

次韻寄答高蒙泉

培源

高有海運備覽爲江蘇巡撫采訪進呈

幾人禦水築黃樓夜候江星有客愁濁浪未容回北  
道清淮但見逼南流身閒轉想安時策目驗曾爲帆  
海游莫笑詩人無遠志但吟蘭杜望汀洲

嬾我無能說事權杜門長笑蝨生羶忽投妙句驚連  
璧憶接豪譚却判年轉運圖編披乙夜防秋畚缶滿  
湖壖近聞洪漲漁莊太息風流遠誰與奇才好作緣高  
王述庵少寇所知

影事

影事無端憶羅幃臥病時雲心金枕泥蝶夢茜裙知  
錦瑟調絃澀靈光誦賦遲惟餘白團扇歲歲網蛛絲

題汪因可農部

繼培

風定蘇潭看月生小照

蘇潭看月又今時可是三生杜牧之卷却談兵喙三尺吹笙自補采蘭詩

萬籟蕭然野氣清參差雉堞水中明幽人獨立不歸去山影忽從衣上生

常自畏風勤閉戶何曾愛月獨登臺最是周生喫虛處畫圖故意惱人來

園中口占

暗裏流光冉冉催中年哀樂倩誰排無多花木供吟賞一日須行一百回

高桐著雨發清響稚竹迎風弄晚姿物態撩人也如  
許禪心容易說禁持

水亭一角貯秋陰客不來時獨自吟  
驀地靜中成一嚇大魚潑刺出波心

壽梁山舟學士九十

定知百歲等閒經未許稱觴慶九鈴  
世羨齊眉雙玉杖天畱老輩一文星  
神仙那必傳眞訣翰墨從知養性靈  
只愧王郎空學道中年齒鬢已飄零

白秋海棠

一樣芳名迥不侔春紅洗盡更清幽  
啼蜚院落低迷

月濕粉闌干冷澹秋珠淚不禁宵露重玉煙未散曉  
風柔叢卑慣受霜華壓跂跂吟詩可解愁

石角牆圻夜色佳幾番病眼對花揩秋陰澹極難成  
夢明月空歸不墮懷霑袖更無紅淚憶移根曾與素  
心諧那回小摘情親處應有幽香在玉釵

### 寒夜

嚴鼓街坊靜寒宵如水清簷霜欺月色庭葉聚風聲  
憶事得無睡檢書良有情何人當永夜端不負深更  
至日來朝是心驚節序催畏寒多附火病肺久停盃  
鐙影依人靜鴻聲入夜哀眼前有生意凍蘂一枝開



手種梅花樹經今已十年高枝都過屋繁萼半含烟  
雪意空庭得苔痕瘦石連幾回霜月底爲爾步欄前  
天半飛雲赤遙從江畔來如何勝鬢雨不救火輪災  
風急翻巢燕山空賸劫灰禪關有興廢沙界總堪哀

冬至夜雲棲寺災  
舊傳寺爲燕巢形

翦燈惟兀坐硯冰怯拈毫舊籍多遺忘新知付汰淘  
世爭五鳳手身笑九牛毛飽得餐蒸穀豐年慶所遭  
未有涓埃用逢時作幸民間將書倚著病與藥相親  
鐙下無生話尊前見在身輸他小兒女高興盼新春  
窗隙酸風射清霜點畫函灰紅爐火活焰碧燭花銜

塵想空丹白禪心雜聖凡  
杞搔畏衣重思得手摻摻  
花羹茶易冷香兔火初殘  
獨坐偶良夜人生幾大寒  
心空無長物身病得安禪  
俯仰吾何有寥寥一室寬

阮雲臺師五十壽詩

舊作福星吳越分新持使節漕東南  
介年才到期頤半壽世先兼不朽三  
豈獨白頭儒者羨直令青史古人  
慚定知淮海英靈萃銅律春回一  
氣涵

鄒枚作賦冠羣英汲鄭匡時重列卿  
自矢清勤孚

帝眷最能微隱恤民情濟生功大丹  
臺注報國心專  
白髮生身向九霄晞湛露神漿何藉  
玉卮盛

文望共推韓吏部生辰恰竝白香山花鈿九樹劉樊  
侶蘭玉一庭王謝班絳帳傳經付高足紅箋分韻走  
垂鬟當關不報稱觴客如水官齋晝轉閒

早陪驥尾接光塵幸與龍門誼倍親缸面纏紅通族  
望旌牙散采作州民曾無薄技酬知己祇覺先衰愧  
此身惟願年年逢令日五雲深處頌生申

題勞憲副

之辨

渡海祝釐圖爲其元孫

宗保

作

臺長歸田日

仁皇周甲年願憑無量壽遙祝九重天洋自梅花放  
林還紫竹穿婆娑稱號古咀讚炷香虔塔影滌波直

潮音梵呪圓花迎前後寺龍護去來船老輩心誠若  
披圖貌儼然文孫懷祖德報國定應先

趙老人振鯨百歲詩

翁生上溯康熙年四朝熙皞全其天鼎鼎百歲稱大  
老顏色少壯筋力堅出入塵市了無異不參黃面不  
學仙衆人匹之亦等耳翁獨以久豈適然天機不累  
嗜欲淺視聽守一聰明專力田服賈穀孫子晚食安  
步無拘牽青山繞屋雨潑翠江水當戶風生漣足迹  
只在武林郭福地那必仇池顛非徒致壽有深理高  
行亦足希前賢吾聞上古物難老方今聖化唐虞

先粵西老人百卅歲祝翁他日還齊肩

病鷺絲

風標渾改盡落日傍牆隅  
翅飛難起聯拳立尚殊  
更誰憐潔白一爲洗泥塗  
何處無秋水神傷泛泛鳧

示學詩者

爭裁綾錦趁時妝却笑村姬理布裳  
入眼春花元自麗到頭秋實定幾  
言蘭成尚說招龜報孔翠何曾作  
鳥王萬古江河源最遠均堂未可傲滄浪